



ՀԱՍՏԱՏՈՒՄ ԵՄ՝
Շրջակա միջավայրի նախարար
Հ. Սիմիդյան

«15» 04 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0038-22

Ձեռնարկողը՝

«Ուայդ Գեյթ» ՍՊԸ

Ք. Երևան, Գ. Քոչար 21

Գործունեությունը՝

«Ճամբարակի անտառօրհնություն» մասնաճյուղի
2021-2030թթ. կառավարման պլանի շրջակա միջավայրի
վրա ազդեցության ուղղակի և անուղղակի գնահատման
հաշվետվություն

Գեղարքունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 7 թերթ

թիվ ԲՓ 0038-22

<<15> 04 2022թ.

**«Ճամբարակի անտառտնտեսություն» մասնաճյուղի 2021-2030թթ.
կառավարման պլան» շրջակա միջավայրի վրա ազդեցության ուղղման
գնահատման հաշվետվություն**

Ներածական մաս.

Ձեռնարկող՝

«Ուայդ Գեյթ» ՍՊԸ

Ներկայացված նյութեր՝

Հիմնադրույթային փաստաթուղթ

- ազդեցության ուղղման հաշվետվության էկոլոգիական
գնահատման (ՌԷԳ) հաշվետվություն,
անտառկառավարման պլան,
գծագրական նյութեր

Գեղարքունիքի մարզի Ճամբարակի անտառտնտեսության անտառկառավարման պլանը մշակվել է շրջակա միջավայրի նախարարության՝ Անտառային կոմիտեի և «Ուայդ Գեյթ» ՍՊԸ միջև կնքված 14.04.2020թ. ՇՄՆԱԿ-ԲՄԱՇՁԲ-20/1-2 պայմանագրի հիման վրա, փաստաթղթի նպատակն է ապահովել Ճամբարակի անտառտնտեսություն մասնաճյուղի պատասխանատվության ներքո գտնվող անտառային տարածքների պահպանությունը, կայուն զարգացումն ու բնական վերարտադրողականությունն առաջիկա տասնամյա ժամանակահատվածի համար՝ միաժամանակ ապահովելով անտառային տարածքների հարակից բնակավայրերի հետ ինտեգրված զարգացումը, տարածքային և սահմանային հարցերի հստակեցումն ու կոնֆլիկտների լուծումը:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 1-ին մասի, Ճամբարակի անտառտնտեսության անտառկառավարման պլանը հանդիսանում է հիմնադրույթային փաստաթուղթ:

Նկարագրական մաս. «Հայանտառ» ՊՈԱԿ-ի Ճամբարակի անտառտնտեսությունը գտնվում է Գեղարքունիքի մարզի նախկին Կրասնոսելսկի վարչական շրջանում: Անտառտնտեսությունը հյուսիս-արևմուտքից և հարավ-արևմուտքից սահմանակցում է «Դիլիջան» ազգային պարկին, իսկ մյուս կողմից՝ Ճամբարակի ենթաշրջանի համայնքային հողերին: Անտառտնտեսության տարածքի ձգվածությունը հյուսիսից հարավ 19կմ է, իսկ արևելքից արևմուտք՝ 31կմ: Ճամբարակի անտառտնտեսության տարածքը գտնվում է Փոքր Կովկասյան լեռնահամակարգի հյուսիսային հատվածում: Անտառտնտեսության անտառները տարածվում են Արեգունու լեռնաշղթայի հյուսիսային և Միափորի լեռնաշղթայի հարավ-արևմտյան լեռնաբազուկների վրա, որոնք ընդգրկում են Գետիկ գետի ջրհավաք ավազանը:



Անտառտնտեսության հարակից բնակավայրերն են՝ Գեղարքունիքի մարզի Ճամբարակ խոշորացված համայնքը՝ Ճամբարակ քաղաքային և Այգուտ, Անտառամեջ, Գետիկ, Դպրաբակ, Թթուջուր, Կալավան (Բարեպատ գյուղով), Ձորավանք, Մարտունի և Վահան գյուղական բնակավայրերը:

Համաձայն հաշվետվության «Ճամբարակի անտառտնտեսություն» մասնաճյուղի կազմում 2021թ. ընդգրկված են Կարմիրի՝ 715հա, Գետիկի՝ 3825հա և Դպրաբակի՝ 3839հա մակերեսով անտառապետությունները: «Ճամբարակի» անտառտնտեսության ընդհանուր մակերեսը կազմում է 8379,0հա:

Անտառտնտեսությունում անտառները տեղաբաշխված են ծովի մակերևույթից 800-2200 մետր բարձրությունների վրա, Կարմիրի անտառապետությունում՝ 1600-1800մ, Գետիկի անտառապետությունում՝ 1200-2200մ և Դպրաբակի անտառապետությունում՝ 800-2200մ:

Անտառտնտեսության սահմանները որոշվել են ռելիեֆային առանձնահատկություններով (ջրաբաժաններ, ձորակներ, գետակներ, լեռնալանջեր և այլն), որոնք բնության մեջ արտահայտիչ են և հանդիսանում են համեմատաբար կայուն սահման, ինչպես նաև արբանյակային պատկերների վերձանման արդյունքների հիման վրա՝ հաշվի առնելով «Ճամբարակի անտառտնտեսություն» մասնաճյուղի ներկայիս սահմանները:

Համաձայն հանրապետության հողային քարտեզագրական նյութերի՝ անտառտնտեսության տարածքում հանդիպում են լեռնային դարչնագույն, լեռնային գորշ անտառային և լեռնային մարգագետնային հողերի տիպերը:

Տարեկան տեղումների միջին քանակը հասնում է 450-620մմ: Ձյան շերտի հզորությունը 60-70սմ է: Գարունն ու աշունը տեղումնառատ են: Գերակշռում են լեռնահովտային քամիները:

Ճամբարակի անտառտնտեսությունը, պայմանավորված ռելիեֆի առանձնահատկությամբ, աշխարհագրական դիրքով և ուղղաձիգ գոտիականությամբ, աչքի է ընկնում հարուստ կենսաբազմազանությամբ:

Համաձայն հաշվետվության Ճամբարակի անտառտնտեսության տարածքում հանդիպում են անոթավոր բույսերի 56 ընտանիքի և 122 ցեղի պատկանող 356 տեսակ, որոնցից 4 տեսակն ընդգրկված են Հայաստանի բույսերի Կարմիր գրքում:

Ճամբարակի անտառտնտեսության տարածքը հարուստ է բազմաթիվ օգտակար բուսատեսակներով, որոնցից շատերը լայնորեն օգտագործվում են մարդու կողմից: Ըստ նախնական տվյալների՝ տարածքում լայն տարածում ունեն ուտելի և համեմունքային, մեղրատու, դեղատու, կերային նշանակության տեսակներ:

Ճամբարակի անտառտնտեսության տարածքն ըստ անտառաճման պայմանների մտնում է Տավուշի ֆլորիստիկ շրջանի մեջ, որտեղ հիմնական բուսական տիպն անտառայինն է:

Անտառկազմող գլխավոր ծառատեսակներն են խոշորառեջ և վրացական կաղնիները, արևելյան հաճարենին, կովկասյան լորենին, կովկասյան սոճին, կովկասյան բոխին, իսկ ուղեկցող ծառատեսակներն են, սովորական հացին, անտառային տանձենին, Լիտվինովի կեչին, սրստերև թխկին, արևելյան բոխին և այլ տեսակներ, որոնք մասնակցում են հաճարի և կաղնու խառը կամ բարդ ծառուտների կազմավորմանը, իսկ առանձին դեպքերում ձևավորում են միատարր ոչ մեծ ծառուտներ:

Միջին լեռնային գոտում հյուսիսային կողմնադրության լանջերը հիմնականում զբաղեցնում են հաճարկուտները, հարավային լանջերը՝ կաղնու համակեցությունները: Հաճարկուտներում անտառի կազմի մեջ մտնում են բոխին, կաղնին, լորենին, հացին և այլ ծառաթիատեսակներ:



Հարավային լեռնալանջերին, մինչև 1300մ բացարձակ բարձրությունները գերակշռում է վրացական կաղնին, իսկ դրանից վերև, մինչև անտառի տարածման վերին սահմանը, հիմնականում զբաղեցնում են խոշորադեղ կաղնու ծառուտները: Կաղնու ծառուտներին բնորոշ է խառը կազմ՝ հիմնականում բոխու, հացու, թխկու, լորենու, անտառային տանձենու մասնակցությամբ:

Դպրաբակի անտառապետության կազմում է գտնվում «Գետիկի» արգելավայրը: Այն հիմնվել է 1971 թվականին՝ անտառային կենդանիների պահպանման նպատակով: Տարածքի կենդանական աշխարհի բազմազանությանն ու հարստությանը նպաստում է լեռնային ռելիեֆը, անտառները և ջրային օբյեկտների առատությունը, ինչպես նաև «Դիլիջան» և «Սևան» ազգային պարկերին մոտ գտնվելը: Անտառատնտեսության տարածքում հանդիպում են գորշ արջ, վայրի խոզ, գայլ, աղվես, նապաստակ, կզաքիս, թռչունների, սողունների և միջատների բազմաթիվ տեսակներ: Գետերում և լճակներում հանդիպում են կարմրախայտ, սագան, բեղլու, մուրծի:

Ճամբարակի անտառատնտեսության տարածքում հանդիպում են ՀՀ Բույսերի Կարմիր գրքում գրանցված 4 անոթավոր բույսեր, 29 կենդանատեսակներ, անտառատնտեսության տարածքում բացակայում են Հայաստանի էնդեմիկ բուսատեսակները:

Համաձայն ծրագրի, իրականացվել է Ճամբարակի անտառկառավարման պլանի գույքագրման և քարտեզագրական նյութերի ուսումնասիրություններ,

- կլիմայի, լանդշաֆտի, ռելիեֆի և անտառային հողերի տիպերի բնութագրում,
- անտառատնտեսության տարածքում գետերի քանակի և ձգվածության, ջրահավաք ավազանի, լճերի և գրունտային ջրերի մակարդակի վերաբերյալ տեղեկատվության հավաքագրում,
- ծրագրի տարածքում բնակչության զբաղվածության, անտառանյութի տեղական սպառման շուկաների վերաբերյալ տեղեկատվության հավաքագրում,
- ոչ բնափայտային անտառային պաշարների օգտագործման ուսումնասիրություն,
- նախորդ անտառաշինության պլանշետների, անտառառոտային պլանների և քարտեզ սխեմաների ձեռք բերում և ուսումնասիրություն,
- ժամանակավոր օգտագործման հատկացված հողերի քարտեզագրական նյութերի ձեռք բերում և ուսումնասիրություն,
- անտառատնտեսության և հարակից հողօգտագործողների սահմանների վերաբերյալ իրավաբանական ձևակերպումների ուսումնասիրություն,
- անտառոսերմնային տեղամասերի, պլանտացիաների և տնկարանային տնտեսության առկայության և վիճակի վերաբերյալ տեղեկատվության հավաքագրում,
- հարակից համայնքների հետ անտառաշինական և համայնքների կադաստրային քարտեզներում առկա անտառային հողատեսքերի անհամապատասխանությունների ճշտման աշխատանքներ:

Իրականացվել են նաև կենսաբազմազանության գույքագրման և գնահատման, բարձրարժեք բնապահպանական անտառների որոշման ու սահմանազատման, ինչպես նաև էկոհամակարգային ծառայությունների գնահատման աշխատանքներ:

Համաձայն հաշվետվության անտառատնտեսության ընդհանուր տարածք բաժանված է ըստ հիմնական նպատակային նշանակության և հողատեսքերի.

Արտադրական նշանակության ընդհանուր հողատեսքերը զբաղեցնում են 2076,9հա (24,8%), ամբողջությամբ անտառածածկ հողերում:

Պաշտպանական նշանակության հողատեսքերի ընդհանուր մակերեսը զբաղեցնում է ամբողջ տարածքի 30,8%-ը (2577,3հա), այդ թվում անտառային հողերը՝ 2063,7հա, որից անտառածածկը՝ 1568,8հա է, նույն թվում անտառմշակույթները՝ 8,4հա:



բացատները և բաց (պարապուտ) տարածքները զբաղեցնում են 321,2հա, իսկ նոսրուտները՝ 172,9հա տարածք: Ոչ անտառային հողերը զբաղեցնում են 513,5հա (ոչ անտառային հողերի 91,1%-ը):

Հատուկ նշանակության հողատեսքերը զբաղեցնում են 3724,8հա (44,4%), այդ թվում անտառային հողերը՝ 3674,4հա, որից անտառածածկ մակերեսը՝ 3234,1հա, անտառմշակույթները՝ 403,0հա, չմիակցված աղարթով անտառմշակույթները՝ 17,2հա: Անտառային բացատները և բաց տարածքները զբաղեցնում են 349,3հա, իսկ նոսրուտները՝ 73,8հա տարածք: Ոչ անտառային հողերը զբաղեցնում են 50,4հա (ոչ անտառային հողերի 8,9%-ը):

Անտառտնտեսության ընդհանուր հողատեսքերում անտառածածկ մակերեսը 6879,8հա է (82,0%), որից ընդհանուր 453,1 հեկտարն է միակցված սաղարթով անտառմշակույթ (անտառածածկի 6,6%-ը), անտառային բացատները և պարապուտները՝ 670,5հա, նոսրուտները՝ 246,7հա:

Ոչ անտառային հողերի մակերեսը կազմում է 563,9հա:

Համաձայն հաշվետվության վերջին մոտ 35 տարիների ընթացքում անտառտնտեսությունում կատարվել է կառուցվածքային և մակերեսային փոփոխություններ, կատարվել է անտառտնտեսության մակերեսի նվազում(1985թ.՝ 1803հա և 2006թ.՝ 643հա), ինչը բացատրվում է տարածաշրջանի բնակավայրերի վարչական սահմաններում կադաստրային քարտեզագրմամբ՝ անհամապատասխանությունների և մակերեսները երկրատեղեկատվական համակարգով ճշտման հիմնավորումով:

Անտառապետություններում գնահատման միջին ցուցանիշները 2021թ. հետևյալն է՝

Կարմիրի անտառապետությունում՝ միջին տարիքը՝ 43, միջին բոնիտետային դասը՝ 2,7, միջին լրիվությունը՝ 0,72, 1 հեկտարի միջին պաշարը՝ 133մ³, միջին տարեկան աճը՝ 3,08մ³: Միջին կազմը՝ 8,7սոճի, 0,6տանձի, 0,3հացի, 0,2կաղնի, 0,1թխկի, 0,1խնձորի, 0,1ուռի:

Գետիկի անտառապետությունում համապատասխանաբար՝ 91, 3,9, 0,54, 131մ³, 1,46մ³: Միջին կազմը՝ 5,5կաղնի, 1,6բոխի, 0,7հաճարի, 0,4թխկի, 0,4հացի, 1,3լորի, 0,1տանձենի:

Դպրաբակի անտառապետությունում համապատասխանաբար՝ 111, 3,8, 0,52, 148մ³, 1,35մ³: Միջին կազմը՝ 4,8կաղնի, 2,7հաճարի, 1,4բոխի, 0,6թխկի, 0,3հացի, 0,1տանձենի, 0,1կեչի:

Համաձայն հաշվետվության անտառտնտեսության 2006թ. կառավարման պլանի անտառի գույքագրման և գնահատման տվյալներով անտառի միջին տարիքը եղել է 95, իսկ 2021թ. 98, միջին լրիվությունը մնացել է նույն մակարդակում՝ 0,54, անտառածածկ մակերեսի 1 հեկտարի միջին պաշարը նվազել է 4խտ.մ³-ով, իսկ 1հեկտարի միջին աճը 0,02խտ.մ³-ով: Նշված ժամանակաշրջանում ընդհանուր անտառածածկ մակերեսը ավելացել է 332,6 հեկտարով, իսկ ընդհանուր պաշարը՝ 16462խտ.մ³-ով:

2021-2030 թվականների համար խնամքի հատումներ նախատեսվել են ընդհանուր 537,0հա անտառածածկ հատվածներում ընդհանուր պաշարը 106330մ³, հատման նախատեսած ընդհանուր պաշարը 16957մ³, այդ թվում իրացման ենթակա բնափայտը 14408մ³, որից շինափայտի պաշարը 5791մ³, վառելափայտը 8617մ³:

Նոսրացման հատումներ նախատեսվել են ընդհանուր 70,4 հեկտարի վրա, հատվածների ընդհանուր պաշարը 11740մ³, հատման նախատեսած պաշարը 2595խտմ³, այդ թվում իրացման ենթակա պաշարը 2251մ³, որից շինափայտի պաշարը 1056մ³, իսկ վառելափայտը 1195մ³:

Անցումային հատումներ նախատեսվել են ընդհանուր 466,6 հեկտարի վրա, հատվածների ընդհանուր պաշարը 94590մ³, հատման նախատեսած պաշարը 14326խտմ³, այդ թվում իրացման ենթակա պաշարը 12157մ³, որից շինափայտի պաշարը 4735մ³, իսկ վառելափայտը 7422մ³:



Ճամբարակի անտառտնտեսությունում նախատեսված բոլոր հատումների ընդհանուր ծավալը 573,0հա-ի վրա կազմում է 16975խտ մ³, այդ թվում իրացման ենթակա անտառանյութի պաշարը 14408մ³ է, որից շինափայտը՝ 5791մ³:

Ըստ հատման տեսակների՝ խնամքի հատումները կազմում են հատումների նախատեսած մակերեսի 93,7%-ը և հատման նախատեսած պաշարի 92,8%-ը, իսկ սանիտարական հատումները ընդամենը 6,3% և 7,2%-ը:

Ընդհանուր անտառօգտագործման մակերեսների 38,7%-ը և հատման ենթակա պաշարների 51,8%-ը նախատեսվում է Կարմիրի անտառապետությունում, համապատասխանաբար 24,2% և 13,9%-ը՝ Գետիկի, և 37,1% և 34,3%-ը՝ Դպրաբակի անտառապետություններում:

Համաձայն կառավարման պլանի 2021-30 թվականների համար նախատեսվում են անտառհիմնման միջոցառումներ՝ ընդհանուր 514,6 հեկտարի վրա, նույն թվում անտառային բացատներում և ազատ տարածքներում՝ 272,3հա, հատված և չվերականգնված տարածքներում, ինչպես նաև անթրոպոգեն նոսրուտներում ընդհանուր 114,6հա:

Ցածր լրիվության ծառուտների լրիվության և արտադրողականության բարձրացման համար նախատեսվում է բնական վերականգնման միջոցառումներ ընդամենը 103,9 հեկտարի վրա, հարթակների պատրաստման եղանակով՝ լրացուցիչ սերմերի ցանքով:

Բնական վերականգնման օժանդակման նպատակով նախատեսվում է 20000գծմ ցանկապատում, որի արդյունքում շուրջ 3500 հեկտար անտառներում կկանխվի անասունների մուտքը, ինչն էլ կնպաստի բնական վերականգնմանը:

Անտառածածկ մակերեսի ավելացումը նախատեսվում է անտառմշակույթների հիմնման, ինչպես նաև բնական վերածին օժանդակող միջոցառումների հաշվին:

Ստուգիչ ժամանակաշրջանում անտառային հողերի արտադրողականության բարձրացման նպատակով անտառշինությամբ նախատեսվում են հետևյալ միջոցառումները՝

- անտառուերմնային բազաների հիմնում սելեկցիոն հիմքի վրա,
- անտառային մշակույթների հիմնում,
- ցածր լրիվության ծառուտների արտադրողականության բարձրացում,
- բնական վերածին օժանդակող համալիր միջոցառումներ,
- խնամքի հատումների իրականացում,
- անտառապահպանական և անտառապաշտպանական աշխատանքների բարելավում,
- ընտրովի սանիտարական հատումներ:

Համաձայն հաշվետվության բնական վերածին օժանդակող միջոցառումների արդյունքում լրացուցիչ աճը կկազմի 3607,0մ³հա: Նախատեսվող միջոցառումների արդյունքում սպասվելիք լրացուցիչ տարեկան աճը կկազմի 1314,44մ³:

Կառավարման պլանի նախագծում նախատեսվող համալիր միջոցառումների արդյունքում, անտառտնտեսության անտառային հողերում տեղի կունենա անտառածածկ տարածքի տեսակարար կշռի ավելացում և ծառուտի կազմի բարելավում:

2021-2030թթ. Ճամբարակի անտառտնտեսության կառավարման պլանով նախատեսվում է իրականացնել հետևյալ միջոցառումները՝

- Անտառային մշակույթների հիմնում ոչ անտառածածկ տարածքներում՝ 387.8հա, բացատներում և պարապուտ տարածքներում – 271.0հա, հատված տարածքներում և անթրոպոգեն նոսրուտներում- 116.8 հա,
- Բնական վերածին օժանդակող միջոցառումներ ցածր լրիվության ծառուտներում, հանքայնացում +սերմերի ցանք՝ 107.0հա,
- Ցանկապատման միջոցով 20000 գծմ,
- Ընդամենը՝ 4382.6հա:



Անտառտնտեսության համար հիմնական վտանգները շարունակում են մնալ ապօրինի հատումները, արածեցումը՝ հատկապես համայնքամերձ անտառներում անասունների անարգել մուտքը, բույսերի չհամակարգված հավաքը և արոտավայրերի ոչ ճիշտ կառավարումը:

Անտառային էկոհամակարգերի և կենսաբազմազանության վրա ազդեցություն կարող է ունենալ կլիմայի փոփոխությունը՝ ջերմաստիճանի բարձրացման և խոնավության նվազման միտումները: Բուսական էկոհամակարգերի համար սպառնալիք կարող է հանդիսանալ նաև ինվազիվ և էքսպանսիվ բուսատեսակների տարածումը:

Նախատեսվում է խիստ վերահսկողություն սահմանել անտառտնտեսության տարածքում գտնվող բնակելի տների, առողջարանների և զբոսաշրջության նպատակով ստեղծված ենթակառուցվածքների գործունեության վրա, կանխարգելել դրանց կողմից գետերի և այլ մակերևույթային ջրահոսքերի աղտոտումը կոյուղաջրերով և կենցաղային թափոններով:

Հաշվետվությունում ներառված է զրոյական և այլընտրանքային տարբերակների նկարագրությունը, ընտրված տարբերակի հիմնավորումը:

Եզրահանգումներ. Հիմնադրությային փաստաթղթով նախատեսված գործողություններն ընդգրկում են անտառպետության տարածքը, որը ներառում է բնական լանդշաֆտները, մակերևույթային և ստորերկրյա ջրային ռեսուրսները, բուսական ու կենդանական աշխարհը, պատմամշակութային և բնության հուշարձանները:

Տարածքի անտառտնտեսության՝ բուսական և կենդանական աշխարհի համար հիմնական վտանգ են հանդիսանում ապօրինի անտառահատումները, որոնք հանգեցնում են տարածքների մասնատմանը և դեգրադացիային: Կենսաբազմազանության համար վտանգավոր է նաև քիմիական նյութերի միջոցով վնասատուների դեմ պայքարը: Անտառտնտեսության զարգացման համար հիմնական վտանգ է ներկայացնում նաև մարդու տնտեսական գործունեությունը՝ բուսականության այրումը կամ մաքրումը, որսագողությունը, արոտավայրերի կառավարման բացակայությունը, դրանց կանոնավոր այրումը, օրգանական և անօրգանական թափոններով կենսամիջավայրի աղտոտումը: Այս ամենի արդյունքում տեղի է ունենում բնական կենսամիջավայրի խախտում և քայքայում:

Անտառի կայուն կառավարումը՝ նպատակաուղղված է դեգրադացված անտառային էկոհամակարգերի վերականգնմանը, անտառների բնապահպանական, սոցիալական և տնտեսական, օգտակար հատկությունների պահպանմանը, անտառների կայուն օգտագործմանը: Այն կնպաստի անտառային ոլորտի զարգացմանը, շրջակա միջավայրի, գյուղատնտեսության, անտառային արդյունաբերության համայնքային զարգացման հնարավորությունների համապատասխանեցմանը:

Անտառների վերականգնման, անտառների օգտակար հատկությունների զարգացման և կայուն անտառօգտագործման ռազմավարական, հիմնական ռազմավարական ուղիների ապահովման, այդ թվում՝ «Հայանտառ»-ի կարողությունների հզորացման, ինչպես նաև անտառի պահպանական և պաշտպանական ծառայությունների՝ սերմնային, տնկարանային, մարդկային ռեսուրսների ուսուցողական և կրթական կենտրոնների և տեղեկատվական ցանցի հիմնադրման, կողմնակի անտառօգտագործման զարգացման, կայուն անտառակառավարմանը նպաստող օրենսդրական հենքի բարելավմանն ուղղված միջոցառումները կնպաստեն անտառի կենսամիջավայրի բարելավմանը և կայուն զարգացմանը:

Հիմնադրությային փաստաթղթով նախատեսվում է անտառպահպանման, անտառահատման, անտառի բնառեսուրսների օգտագործման հետևանքով շրջակա միջավայրի բաղադրիչների վրա հնարավոր բացասական ազդեցությունների մեղմանն



ուղղված բնապահպանական միջոցառումների և մշտադիտարկումների իրականացում: Նախատեսվող միջոցառումների ծրագրի համար հիմք են հադիսացել ՀՀ անտառային օրենսգիրքը (2005թ.), սանիտարական հատումների իրականացման կարգը և անտառկառավարման պլանների մշակման հրահանգը, ինչպես նաև շրջակա միջավայրի նախարարության Անտառային կոմիտեի «ՀԱՅԱՆՏԱՌ» ՊՈԱԿ «Ճամբարակի» 2021-2030թ. կառավարման պլանը, անտառտնտեսության ոլորտը կարգավորող մի շարք ՀՀ օրենքներ, կառավարության որոշումներ և միջազգային փաստաթղթեր:

Փորձաքննության գործընթացում «Ճամբարակի» կառավարման պլանի փաստաթուղթը լրամշակվել է՝ հաշվի առնելով նաև շրջակա միջավայրի նախարարության համապատասխան ստորաբաժանումների, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունների, Գեղարքունիքի մարզպետարանում իրականացված հանրային քննարկումների ժամանակ հնչեցված առաջարկությունները:

Փորձաքննական պահանջներ

- Հիմնադրությային փաստաթղթով նախատեսված միջոցառումները հնարավորինս կատարել նախատեսված ժամանակահատվածում:
- Հիմնադրությային փաստաթղթի դրույթների իրականացման ընթացքում կատարել շրջակա միջավայրի վրա ազդեցության մշտադիտարկում (մոնիթորինգ), կազմել հետևախազմային վերլուծության ծրագիր:

ԵԶՐԱՓԱԿԻՉ ՄԱՍ

«Ուայդ Գեյթ» ՍՊԸ կողմից ներկայացված «Ճամբարակի անտառտնտեսություն» մասնաճյուղի 2021-2030թթ. կառավարման պլանի շրջակա միջավայրի վրա ազդեցության ռազմավարական գնահատման հաշվետվությանը տրվում է դրական եզրակացություն՝ փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի գլխ. մասնագետ:



Վարդանյան

